

UKIUMUT NALUNAARUT 2017

Transparency
International tassaavoq
nunarsuarmi peqquserlutsaaliui-
nermik suliniaqatigiffiit nuimnersaat.
Suliniaqatigiiffiik nunarsuaq tamakkerlugu
100-ut sinnerlugit ilaasortaqqarpoq Berlin-imilu
qitiusumik allattoqqarfeqarluni. Peqquserlunnerit
ajornartorsiutaanerat uppernaasorsorlugu malu-
gitinniartarparput suleqatigaagullu naalakker-
suisut, inussutissarsiornermik ingerlataqar-
tut aammalu inuiaqatigiinni innuttaasut
pilersinniarsaralugit suleriaasissat,
peqquserluttarnermik kimilimmik
unitsitsiniutaasinnaasut.

SIULEQUT

Ukioq 2017 tassaavoq ukioq 'ulapaarfiusoq'. Ukioq siulersuisut inuiaqatigiinni siammasissumik akimut ersitumik sulinerup pingaassusianik annertunerusumik pasiniaanermut atugaat. Taamaattumillu isumasioqatigiinnerni aammalu ilisimatusarnerni saqqummiussillunilu peqataasarnissat akuersaarneqartarsimapput.

Nunatsinni nunanilu allani ilinniagaqartunit tusagassiuutinillu apersorneqarnerit amerlasuut peqataaffigineqarput, EU-milu pisortattigoortumik sinniisinik inuinnarnillumi oqaloqatiginnitarnertit ingerlanneqatarsimallutik.

TI-Litauenimik TI-Ruslandimillu suleqarteqarnerit aqutugalugit pingaartutut sammineqarsimapput pisortat suliffeqarfiutaasa akimut ersittumik sulinerannik sammisaqarnerit, taamatullu peqataanerit ersersippaat ingerlatsinerup angusat kalitarisai.

2017 aamma tassaalerpoq 'aalisarnerup ukua'. Tassami TIG tusarniaanermi peqataaneq tunngavigalugu aalisarnermut inatsisissaq pillugu oqalliseqataavoq ilaatigut tikkuarlugit pisassii-nerni tusagassiuutigullu peqataanerni akimut ersittumik ingerlatsinerup ersersinneqarnissaaasa qanoq pingaaruteqarnerat.

Ingerlaqqinnissarput qilanaarivarput aammalu qimanaaralugu 2018-imi suli nukittunerusumik sulinissarput. Global Corruption Barometerip 2016-imeersup, takutippaa innuttaasut isumaqarluinnartut, peqquserluutit peqquserlunniartarnerillu avammut saqqummiunneqassasut, aammalu erseqqissumik nalunaarutigineqarpoq nalinginnaasumik isigalugu peqquserlunniarnerit nalunaarutigineqartassasut. Saqqummiussinerit taaneqartutut ittut suleqqinnissamat nukissanik tunisipput.

*Inussiarnersumik inuulluaqqusilluta
Transparency International Greenland-imi
siulersuisuni ilaasortat*

*Anita Hoffer, Bolette Maqe Nielsen, Dora Drechsel,
Aviaq Brandt, Irene Jeppson, Karsten Lyberth-Klausen,
Betina Præstiin*

AQUTSISUT NALUNAARUTAAT

PISUNI PINGAARNERSAASOQ

Transparency International Greenland NGO-tut ingerlavoq (pisortanut attuumassuteqanngitsumik suliniaqatigiiffiuvoq), suliniutigivaa Kalaallit Nunaanni peqquserlunniarsinnaanermik pitsaaliuinissaq, nunarsuaq tamakkerlugu suliniaqatigiiffiusup Transparency Internationalip ataani. Transparency International Greenland pilerinneqarpoq ukioq 2015, sumiiffimmi peqatigiiffittut TI-p ilaasortaatus akuerisaalluni.

Peqatigiiffiup anguniagarai nunami najugaqarfigisami aammalu nunarsuaq tamakkerlugu peqquserlutsaaliuinissaq, suleqatigalugu Transparency International (TI). Peqquserlunneq isumaqartinneqarpoq, pissaanermik tatigineqarluni tigusimasamik, imminut iluaquserniarluni, atornerluineq.

Peqatigiiffiup peqquserlunniartarneq akiorpaa pisortanit aqutsinerit, suliffeqarfinni inuiaqatigiillu siammasissumik isigalugit, avammut ersittumik ingerlariaaseqarlutillu ingerlanneqarnissaat, tamannalu ingerlanneqarpoq avammut tusaqusaarutigalugu ersersitsiniar nikkut aammalu peqquserlunneq ajoqutaalu pillugit paasitsiniaanernik ingerlatsisarnikkut.

Peqatigiiffiup pisussaaffigivaa Transparency Internationalip maleruqqusai makkunatigut malissallugit:

- Inatsiliornernit, privatini pisortallu ingerlataasa iluini allaffissor-nikkut suleriutsit il.il malittarilluarlugit maluginiarlugit pissusilersornerit, peqquserlunniarnermut aggersaasutut imal. pina-veersaartitsinertut ittut, aammalu
- Maluginiarlugit suut sanngiiffiusinnaasut pitsanngorsarneqar-nissaannullu atatillugu siunnersuuteqartarnikkut.


INGERLANNEQARTUT INERIARTORNERAT ANINGAASAQARNERMULLU TUNNGASUT

Ingerlanneqartut annertupput, kigaallassaataallunili immineq aali-angersimasumik allattoqarfeqannginneq aammalu patajaanne-rusumik aningaasasaqartitsinnginneq. TIG-mi periusissiornermi Transparency Internationalip 2020-imi periusissiaani maleruagasaasut malinneqarput. TIG-llu tusarniaanerit 6-it qisuariaateqarfigalugit peqataaffigivai ammasumillu ataatsimiinnerit arlaqartut peqataaffigisimallugit kiisalu ataatsimersuarnerni ilisimatusarnernullu tunngassuteqartuni peqataasimalluni. 2017-imi ingerlanneqartuni pingaarnersaavoq Nordisk Ministerrådimit aningaasalersorneqartu-mik Nunani Avannarlerni Baltikumimilu soqutigisatigut aporaatsitsi-nermi ataatsimoortumik malittarisassiuussinissamut tunngavissior-luni suliaqarnerit. 2017imilu TIG Berlinimi Transparency Internatio-nalip ukiumoortumik ataatsimiittisinerani TIG inunnik marlunnik peqataatitsivoq. Kiisalu 2017-imi saqqummiunneqarpoq *Kommuni-ni Peqquserlutsaaliuinissamut Najooqutassiaq* kiisalu taaneqartup atornissaannik Kommuneqarfik Sermersooq pikkorissarneqarluni.

Ukiumi angusat 4.tkr.-inik sinneqartoortitaqarput siorna 2016-imi taakku 111 t.kr.-usimallutik. 2016-imilu sinneqartoortaa-sut (taakku iluini illutik 2018-imi ingerlanniakkatut pilersaarutaasu-mut immikkoortinneqarnikuusut 175 t.kr.-usut). Peqatigiiffiup ani-ngaasaqarnerani tunngaviupput ilaasortat tunniuttagaat aammalu aningaasaateqarfinit pissarsiarineqartartut. 2017-imi Grønlands-BANKENip Inuussutissarsiornermut Aningaasaateqarfia ingerlanni-akkatut pilersaarutigineqartunut allattoqarfiullu ingerlannissaanut 250 t.kr.-nik tunniussa-qarpoq.



Møde med borgmester i Kommuneqarfik Sermersooq.



Annual Membership Meeting 2017. Dora Drechsel

2017IMI PINGAARNERTUT PISUT

- **Januar:** "Innuuttaasut pitsaanerusumik akuliutsinneqartarnissaat" pillugu ingerlanniakkamut Noregio-mut aningaasanik qinnuteqarneq
- **Marts:** TI Litauenimut tikeraarneq aamma *Project Learning Together om guidelines for Conflict of Interest*-imik aallarnissaaneq. Nordisk Ministerrådip isumasioqatigiissitsinerani peqataaneq. Kalaallit Nunaanni Inuit Piginnaatitaaffii pillugit Siunnersuisoqatigiit.
- **April:** Ataatsimeersuarneq aamma Peqquserlutsaaliuinissamik Najoqqutassiaq – kommuninut
- **Maj:** Future Greenland
- **Juni:** Vilnius-imi Summer School
- **August:** Ataatsimiinneq ArcHub sammeneqarluni 'Social Licence the operate'
- **September:** Siulersuisut periusissiornerat
- **Oktober:** Sisimiuni Inuit Piginnaatitaaffii Pillugit Siunnersuisoqatigiit ataatsimiinnerat. Berlinimi ukiumoortumik TI-p ataatsimiittitsinerani inunnik marlunnik aallartitaqarluni peqataatsineq.
- **November:** FN-ip nunarsuaq tamakkerlugu anguniagai pillugit NGO-nik isumasioqatigiissitsineq December: Bruxelles-imi ataatsimeersuarnermi peqataaneq "Where money meets politic". **Facebook:** TIG pillugu saqqummiussuineq

2017 annertuunikaasit ingerlatsiviusimavoq. Siulersuisut ukiut tallimat siunnerfiit aaliangiussat malillugit sulipput, pingaartillu naqissuserlugu TI-p tusaamalluarneqarnera, ilsisimasaqarnera aammalu misillitagarnera.

Kalaallit Nunaanni pingaaqsumik "National Building" ingerlaneqartup paasilluarnissaanut ikiuutaavoq peqquserlunniarne-rup ajortumik sunniutigisinnaasaanik aallaaveqartumik suli-

niuteqarneq. Nammineq nikorfaffissarput nassaarissavarput, aqputaanili allat iluatsittunik kukkusunillu ingerlataat ilinniari-galugit.

Transparency International Greenlandip 2016imiit 2020-imut periusissiai tunngavigalugit Transparency Internationalimit 2020-ip tungaanut periusissiasut: Together Against Corruption (Peqatigiilluni Peqquserlunniartarnermik Akiunissaq).



- **People and partners:** Inuiaqatigiinni ersittumik sulineq, tusagassiutit Facebookilu aqqutigalugit
- **Working with partners:** Kommunit suleqatigalugit, businesspartnere
- **Prevention, enforcement and justice:** Pilersaarut Learning Together (Ilinniaqatigiinneq), Peqquserlutsaaliuinissamik Isumaqatigiissummik kaammattuillunilu malersueqqinneq, whistleblower (isertuunneqarluni eqqunngitsuliornermik nalunaarutiginnissinnaaneq, Peqquserlutsaaliuinissamut politikkit, politikerit ataasiakkat imminneq soqutiga-saat, Sukumiisumik misissuisarnerit, pikkorissarnerit tu-sarniutigineqartunillu nalunaarutiginnittarnerit.
- **Strong movement:** Summerschool, ukiumut nalunaarut, nunami imminermin i allanilu ataatsimiinnerni, ataatsi-meersuarnermi isumasioqatigiinnernilu peqataasarnerit.
- **Enhancing strategic presence:** Aningasassarsiornerit ilaasortassarsiornerillu

SULINERMUT TUNNGAVIK:

- Pikkoriffiginer savarput piffissaq anner-tunerpaamik sunniuteqartunut atussallu-gu. Tassa imaappoq, nalilerutsigu, sunni-niarnikkut angusat pitsaanerusut angusin-naallugit, taava tamanna aqutigissavar-put kingornalu angusagut avammut paasissutissiisutugalugit. Nalilerutsiguli iliuuseriniakkatsinni innuttaasunit siam-masissumik tapersorneqarnissar-put angusaqarfiunerpaajussasoq, taava tamanna aqutigissavarput sapinngisar-put tamaat atorlugu iluatsinniarlugu, soor-lu assersuutugalugu paasititsiniaanernik ingerlatsinikkut.
- uliniaqatigiiffitsinni torersumik arlaannaannulluunniit attuu-massuteqanngitsumik ingerlanissaq attatiinnassavarput allanit allatut sunnearnearqarualu aruttaluunniit. Siulersuisuni upperil-luinnarparput, akimut ersittumik ingerlatsineq peqquserlunni-arneq akiorumallugu suleriaasissatsialaanerpaasoq.
- Isumaqarpuqullu kikkut tamat oqaasissaqatinnegarnerat eqqortumik ingerlatsinissamut aqutissaasoq taamallu aamma akimut ersittunik aaliangiisarnissamut aqutissaasoq. Taama-tut suut ataqatigiinnerat ilaatigooriarluta avataanit suleqatigi-satsinnut nassuiartassavarput. Kisianni tassa upperaarpur akimut ersittumik suleriaaseqarneq, innutaasunik akuliutsitsineq aqutugalugu Kalaallit Nunaanni pitsaasumik ilusilersuiniussa-mut aqutissieqataasinnaassalluta.

Ilaaangilaq TIG-mit avataanit nakkutiginnittut inissisimaneq qimatarniarippur, nakkutillisoq akiuussinnaassuseqartoq, uparu-artugassaqaraangat sastersinnaasoq. Taamatut inissimanerput nuannaraarpur ingerlatiinnassavarpullu ineriartortittuarlugulu. Ki-sianni aamma suleqateqarneq oqaloqatiginnilluartarnerlu ineri-artortissavagut, taamatut iliornikkut isumannaarumallugu Kalaal-lit Nunaat avammut ammasumik peqquserlunniarfiunngitsumillu ingerlasoq.



PROJECT LEARNING TOGETHER: ESTABLISHING COMMON GUIDELINES FOR CONFLICT OF INTERESTS IN THE NORDIC AND BALTIC REGION

Transparency International Greenland 2016-ip naanerani TI Litauen aamma TI Rusland ingerlanneqartumi, taaneqartumi "Establishing Common Guidelines for Conflict of Interests in the Nordic and Baltic Region" suleqasiuppai. Ingerlanneqartoq Nordisk Ministerråd-ip Østersømi NGO-nit (pisortat avataanni soqutigisaqatigiittut suliniaqatigiiffittut ingerlatsisut) ingerlanniarnearqartoq aningaasalerneqarpoq pilersaarutaavorlu suliap 2018-imi naammassineqarnissaa. Tassani ilaatigut misissorneqarpoq Kommuneqarfik Sermersuup Namminersorlutillu Oqartussat qanoq suleriuseqarlutik pigineqatigiiffimminni siulersuisunut ilaasortassanik toqqaasartut, qanoq iliorluni ilaasortat soqutigisatigut taputartuussinnginnissaat isumannaarnearqartartut, siulersuisuni sulinissat malittarisassi-uunneqarneri aammalu pisortat pigineqatigiiffiisa qanoq ammatigisumik sulinerat misissorneqarlutik.

Mississuinerit 2017-imi ingerlanneqarnerini makku ilaatigut suleriutsit atorneqarput: Apeqqusianik Namminersorlutik Oqartussat Siulersuisoqarnermut allattoqarfik Kommuneqarfik Sermersoorlu immersugassaminnik nassitsivigineqarput kingornalu apersorneqarlutik, inuussutissarsionernik ingerlatsivinni sisamaasuni toq-qakkani pisortaasut apersorneqarput, pisortat pigineqatigiiffiini paasissutissat piusut assigiinngitsut atorlugit siulersuisunut ilaasortassanik toqqaasarnerat misissuiffigineqarlutik.

SAQQUMMIUSSAT

KOMMUNINUT PEQQUSERLUTSAALIUIINISSAMUT NAJOQQUTASSIAQ

Taanna TI Norgemil suliaasimasoq najoqqutaralugu suliarineqarpoq. Najoqutassiarlu aqutugalugu anguniarnearlutik saaffigineqarput qinikkatut sulisut, pisortaaasut, sulisuusut aammalu kommunini tatigineqarlutik isumagisassaqartutut qinigaasut. Najoq-

qutassiaq kisiat tunngavigalugu sulinissaq inassutigineqanngilaq, kaammaattuutigineqarlunili saniatigut pikkorissarnernik suleqatigiissitsinernillu ingerlatsisoqartarnissaq. Kommuneqarfik Sermersuumilu siullermeersumik pikkorissaaneq 2017-imi ingerlanneqarpoq.

INGERLANNEQARTUT ALLAT

AKISUSSAASSUSEQARTUMIK PISINIARTARNEQ

Tamanna CSR Greenland-imit aallartinneqartuuvog, TIGlu peqataanissamut aggersarneqarpoq Siunnersuisoqatigiinnilu issiaqataalluni. Akisussaassuseqartumik pisiniartarnissamut kaammaatutit 2017-imi tunniunneqarput.

TRANSPARENCY INTERNATIONAL SUMMER SCHOOL 2017

Paninguak Bendtsen TIG-mit tapiiffigineqarluni Vilnius-imi Summer Schoolermermi peqataavog. Tassani nunarsuaq tamakkerlugu inuusuttut peqquserlutsaliunermik sulineramik ilinniartinneqarlutik peqataasussat katersuupput. Paninguup misigisaminik oqaluttuarisai takuneqarsinnaapput uunga iserluni: www.transparency.gl.

PEQQUSERLUTSAALIUNERMUT NAJOQQUTASSIAQ – KOMMUNINUT

Najoqqutassiaq TI Norgemi suliamit isumassarsilluni suliaasoq, augustusip qaammataani saqqummiunneqarpoq kinguinnguatigullu atornissaanik pikkorissaasoqarluni. TIG Kommuneqarfik Sermersuumi qaffasissutut inissisimallutik suleqataasunik pikkorissaavog pikkorissaasoralugit; Thomas Trier Hansen, Anita Hoffer, Marianne Lykke Thomsen aammalu Bodil Karlshøj. Pikkorissaaner milu kommuneqarfimmit siunertaavog peqataasut najoqqutassiap sakkutut atornissaanik suliffeqarfinnut siammartiterinissaat.

ANNUAL MEMBERSHIP MEETING BERLIN

Transparency Internationalip Ukiumoortumik ataatsimiinnera Berlinimi ingerlanneqarpoq, tassaniippormi TI-p allattoqarfia. Ingerlanneqartut aaqqissorneqarsimapput arlaqartunik workshopertalerlugit, taamallu paasisarpasutit attaveqarfigiillikkallu TIGp suliniaqqinnissaanni tunngaviulluarumaarput.

TI LITAUEN-IMIT TIKERAARNEQARNEQ

Martsimi TIG-p tikeraartigivaa TI Litauenimeersoq pisortaq Sergejus Muravjovas. Naapeqatigiinnermi ilaatigut pilersaarut Learning Together sammeneqarpoq aammalu Summer School ilisaritinneqarluni, kiisalu siulersuisut workshopertinneqarlutik.

Naalakkersuisoq Doris J. Jensen, borgmester Asii Chemnitz Narup aamma siulersuisoqarnermut allattoqarfik ataatsimeeqatigineqarput kiisalu NI Nuuk-mit Ilisimatusarfimmiillu saqqummiussisoqarluni.

9. DECEMBER, NUNARSUAQ TAMAKKERLUGU ULLOQ PEQQUSERLUTSAALIUNERUP ULLUA

Ullup tikinnissaata tungaanut sapaatip akunnerani tassani TIG Facebookikkut saqqummiussaqaallattaarpoq.

FACEBOOK

Siulersuisut sapinngisaminik Facebook aqputigalugu soqutiginar sinnaasunik saqqummiuussisarput. Sapinngisamiillu nittarsaalluni saqqummiunneqartartut oqaatsit marluk atorlugit saqqummiunneqartarput. TIG-llu Facebookikkut quppenera 1.000-init malit-tarineqarpoq. Sapaatit akunneranullu saqqummiussamut ataatsimut malinnaasut 500-ut anguneqartarput.

INUIT PIGINNAATITAAFFII PILLUGIT KALAALLIT NUNAANNI SIUNNERSUISOQATIGIT

Siunnersuisoqatigiit Nuummi Sisimiunilu marloriarlutik ullut marluk atortarlugit ataatsimiittarsimapput. TIGmiillu sinniissuutitaq ataatsimiinnerni taakkunanani marluusuni peqataavog. Kiisalu siunnersuisoqatigiinnut atatillugu inatsimmik allannguinissamut tusarniaassut akineqarpoq. Siunnersuisoqatigiinni sulineq immineq kajumissutsimik aallaaveqartumik akissarsiaqaataanani ingerlanneqarpoq. TIG ataatsimiinnerni peqataanermi aningaasartuuteqarsimangilaq. Anita Hoffer siunnersuisoqatigiinnit Institut for Menneskerettigheder mi siulersuisuni issiatitassatut toqqagaavog. Toqqaanerlu ukiuni si-samani atuuttussaavog.

2017-IMI AVAMMUT NALUNARUTEQARNERIT TIGULAARIFFIGALUGIT

- **20. april 2017:** Najoqqutassiaqartorlugu ileqqorissaarnissamik peqquserlutsaaliuinissamiillu oqaluserisassanngortitsivoq, tassani inatsisit qitiusut saqqummiussorneqarlutik aammalu whistleblowerordning nassuiarneqarluni.
- **15. september 2017:** Transparency International Greenland (TIG) –mit naammagisimaarlugu maluginiarneqarpoq Namminersorlutik Oqartussat nunarsuarmi suliniaqatigiiffimmut ilaasortaalerluni akileraartanerup akimut ersinnerulernissaanik suliniaqataaler-nera. Tamanna pivog OECDp ataani aningaasaqarnikkut suleqatigiillunilu ineriartortitsinissamik suliniaqatigiiffimmi Global Forumi-mi ilasortanngornikkut.
- **21. september 2017:** TIG-mit ujjartorneqarpoq pisuussutinik uumassusilinnik aqutsinerup akimut ersittumik ingerlanneqarnissaa, TIGmiillu ernummatigineqarpoq aalisakkanik pisaassiisarnermi tunngaviusut pillugit tusagassiutitigut oqallinneq. Tassani pineqarpoq Aalisarnermut Piniarnemullu Naalakkersuisup pisassiisutissanik aaliangiisarnermut agguuassisarnermullu atatillugu suleriaasiata avammut matugaluttuinnartumik ingerlanera. Periuseq TIGmit maluginiarneqartoq aammalu Aningaasaqarnermut Siunnersuisut 2017-imi nalunaarusiaanni tikkuarneqarpoq, tassanngami inassutigineqarput akimut ersittumik, inatsisitigut akuerisaasumik nungu-saataanngitsumillu aqutsinissaq angujumallugu malittarisassiussisoqartariaqartoq.

2018-IMI PISUSSATUT NAATSORSUUTIGINEQARTUT

- Nalunaarusiaq Establishing Common Guidelines for Conflict of Interests in the Nordic and Baltic Region ilisaritineqarluni saqqummiunneqassaaq neriutiginarporlu tamatuma ammanerusumik suleriaaseqarnissap tunngavigineqaler-nissaannut ammaassartortitseqataajumaartoq eqqarsaatigalugit pisortat piginneqatigiiffiini siulersuisunut toqqaanermi suleriutsit atortagaat.
- Kommunit pikkorissaanissanik neqerooruteqarfigineqarnikuupput neriuppugullu neqerooruteqarneq akuersaarlugu tigujumaaraat.
- 2018 ukiuvoq qinersiviusassa. Politikkimik suliaqarnermut atatillugu TIG-p malugeqquniarpaa qanoq ammasumik sulinerup pingaaruteqartiginera, nunarsuaq tamakkerlugu isumaqatigiissutit ilisaritillugit aammalu erseqqissarlugu qanoq pingaartigisoq peqquserlussinnaanerit akiorneriarnerisa iluamik aqqissuussaasumik ingerlanneqarnissaat.
- 2018-imi aamma TIG-mit malinnaaffigeqqissaarneqarluni maluginarneqassaaq Naalakkersuisut innuttaasullu akornanni oqaloqatigiinnerit ammasumik pisarnissaat, aammalu §37-imi apeqquunik akiortuinerit nangeqqissavagut.
- FN-ip nunarsuarmi siunertaai SDG, nunarsuarmioqatigiinni suliniutissatut salliuinneqartuupput.. TIGmiillu nunami siammaassartornissai angujumallugu NGO-nik allanik suleqatissarsiornerit ingerlanneqassapput.

TRANSPARENCY INTERNATIONAL

NUNARSUAQ TAMAKKERLUGU PEQQUSERLUNNIARTARNEQ AKIORNIARLUGU SULINIAQATIGIINNERMIK INGERLATSIVIK

TI-p takorluugaa tassaavoq anguniassallugit nunarsuaq tamakkerlugu naalakkersuisut, politikkerit, inuussutissarsiornerup, inuunnaat akornanni ulluinnarnilu inuunerup ingerlanerini pissutit peqquserlunniarfiunngitsut. Tamakkulu anguniarpai ussasaarutigalugit avammut nipituuliutigsarlugit akimut ersittumik suliniissaq, akisussaaqataaneq aammalu sutigit tamatigit sumiiffinnilu tamani tutsuiginassuseqarnissaq.

Suliniaqatigiiffik nunarsuaq tamakkerlugu peqatigiiffinit (chapterit) ilaasortaaffigineqarpoq ataatsimoorussamillu Berlinimi allattoqarfeqarluni. TI peqquserluttarnerit pillugit uppersaasarsuullunilu soqutigisaarisarpoq aammalu naalakkersuisut, inuussutissarsiornerit, inuiaqatigiillu suleqatigalugit pilersinniarlugit nakkutilliissutit, peqquserluttarnermut kimilimmik unitsitsinuitaasinnaasut.

Sumiiffinni peqatigiiffiit inuiaqatigiinni sutigit pituttoqararik ingerlasuupput, taakkulu najugarisaminni nalunaarsugaapput nunarsuarlu tamakkerlugu suliniaqatigiiffimmut attaveqartitertut. Ilaasortatut ingerlasut tamarmik immikkut siulersuisoqarput, ilaasortaqlutik, periusissanik tulleriaagaqarlutik, pilersaaruteqarlutik aammalu namminneq ingerlatsinissaminut aningassarsiorarlutik. TI-p allattoqarfiata atimini ilaasortaasut ilisimasatigit sakkussatigullu ikiortarpai, soorlu Corruption

Perception Index, Global Corruption Barometer, NIS-metoden il.il. atorlugit, kisiannili immineq ilaasortaasunut aningaasarsiusuisartuunani. Allattoqarfiillu sumiiffinni ataasiakkaani nunarsuarlu tamakkerlugu pisussamik ataatsimiinnissanik aqqissuussisarpoq, tamakkunanilu peqatigiiffiit TI-mit siammassuumik isigalu misillittakkanik, nutaanik suleqatissarsiornerit aammalu ilisimatusarnikkut, suliniuteqarnikkut il.il angusatigit paarlaasseqatigiittarlutik.

Transparency International Greenland (TIG) ilusilersukkap pineqartup ilagivaat tassanngalu TI-p takorluugai tapersorsorneqarput. Ullumikkut peqquserloriaatsinik aammalu avammut matoq-qasumik sulinerit, tamakkulu TIG-mit suunersut misissortariaqarput, taamak iliorikkut peqquserlutsaaliuniarnerput "tummarfissaqalerniassamat".

Kalaallit Nunaanni inuunnaat ingerlataannik suliniaqatigiiffiit mikisuinnaapput aningaasassaqaarpallaartuunatillu, tamakkulu pequtigalugit amigaataapput isorinnissinnaassuseqarlutik ingerlasinnaasut nukittuut politikkerit atorfillillu suliaannik malittarinnillutillu akisussaatitsiniarsinnaasut. Aamma tusagassiutit aningaasassaaleqisuupput piginnaaneqarnikkullu isornartuisinnaassutsimut inorsartarlutik. Isornartuissagaannimi pisariaqartinneqarput ilisimasaqarneq teknikikkullu piginnaaneqarneq.

TIG-MI AKULERIISSITAARNEQ

Siulersuisuni issiapput inuit arfineq marluk, tamarmik 2017-imi aprilip qaammataani TIG ataatsimeersuartitsimmat qinigaanikuusut. 2017-imi decemberip qaammataani siuoersuisut imatut katitigaapput:

Anita Hoffer, siulittaasoq

Bolette Maqe Nielsen, siulittasoq tullia. Dora Dreschel, Aviaq Brandt, Irene Jeppson, Karsten Lyberth-Klausen, Betina Præstiin

Siulersuisuni immikkut ilisimasallit taaseqataasinnaatitanngitsut marluk issiapput: Anne Mette Erlandsson aamma Thomas Trier Hansen.

ANINGASAATEQARFIIT TUNISSUTILLU

- GrønlandsBANKENS Erhvervsfond; kr. 250.000 Allattoqarfimmi ingerlatsinissamut ingerlanniakkanullu ikorfartuutitut atugassat.
- Tips & Lotto Pulje C; kr. 90.000 ingerlatsinermut ininillu attartornissanut atugassat.
- Tips & Lotto Projektstøtte Pulje C: kr. 19.533 Bruxellesimi ataatsimeersuarnermi The Corridors of Power-imi peqataanissamut atugassat ammalu kr. 13.076 TI-p ukiumoor-tumik ataatsimiinnerani peqataanissamut atugassat.
- Nunanut allanut pisortaqarfik; kr. 20.000 FNip nunarsuaq tamakkerlugu anguniagai pillugit NGOt sammisaqarnissaannut atugassat
- Nordisk Ministerråd; kr. 100.000 ingerlanniakkamut; Learning Together-imut atugassat.
- Tele Greenland; allattoqarfimmi akeqanngitsumik avammut attaveqartitsineq.
- Sulisitsisut; Naatsorsuuserinermik ikiorteqartitsineq.

Transparency International Greenland

Imaneq 41

3900 Nuuk

GL-Greenland

Postboks 1613

Phone: +299 32 88 88

info@transparency.gl

www.transparency.gl

facebook.com/transparencygreenland